

飴山詩集



831037

館山詩集卷之七

鼓柷集上 古律雜歌詩一百八首

別興

對酒不辭飲浣此湖海襟請看石上泉中有萬里心我
性愛煙水乘秋恣所尋三江連五嶺浪漫問知音

泰山下作

昨行泰山東白雲翳天門但疑霄漢近豈謂罔巒尊今
晨路南轉北百朝丈人秋風生西極萬里開朝暎披豁
盛大容擺簸雷雨痕洗然耳目目前赫矣神靈存兩觀耀

館山詩集

一

日月指顧引越秦三溪鬱參差秀色相吐吞左映萬碧
瓦松柏晴猶昏禪亭久蕪沒輦道方增新右擁千尋壁
瀑布懸天紳冉冉水簾垂一一白鶴馴噴薄水玉碎騰
攫蛟龍伸誰掬滄海波濯此青嶙峋匡廬抱銀河失意
空南奔眇茲嶧與蒙亭亭復云云我如蓬蘽士意外睹
九關歲鬼但晚視虎豹無輕嗔平生幾緬展咫尺慚途
巡終當結茅宇長與神房鄰天紳白鶴水簾皆西溪濕
泉名數十年來今為最盛
東阿縣哭故同年房舍人

滿目惜離羣秋風不可聞魚山才識我黃石故非君往
事庭中草前期水上雲遙憐有新契子建接荒墳

昔在長安

每以庭中
花草見遺

穀城山咏留侯

秦皇瘞六王按劍坐虎視收兵作金入天下心俱死子
房貌婦女起揮報韓椎萬乘盡辟易祖龍喪天威却顧
發難徒狐鳴豈足道智傾垓下雄氣歛圯橋老功成何
淡蕩濟北遠相尋奇傑丈夫節委蛇君子心悲哉韓淮
陰騰下同一趣終思蒯生言不從赤松去

陳思王墓

大雅此邱阿千秋寄恨多名非賓客借才自父兄過雨
暗狼戾樹風生馬頰波靈祠傍神女作賦問如何

鼓世集上

二

微雨登舟留別相送諸子

雨隱官柳暮西風爲解維驅歌隨棹發帆影帶雲移秋
水正空闊閒身易別離天涯說相識從此屬篙師

自張秋漾舟至濟寧卽事口號四首

閒倚檣竿學榜歌翛然身世入漁簑無端一夜孤篷雨
比似山窗聽更多

天和遠水共冥冥司業清歌落洞庭斜日登艫望秋色
君山何似蜀山青

黃公墟近同遊遠消息難憑可奈何分水津頭逢汶鯉
南書多定北書多

湖堤新漲不分陂船滿城陰放溜遲半夜月明聞笑語
江南江北兩迷離

泊南池

雨過城隅淨分明杜老詩停橈就森木况值晚涼時秋
淺風生細湖平月上遲相逢無白也何處說襟期

太白酒樓歌

高樓勢與泰岱平樓邊夜夜輝長庚仙人猶似戀陳迹
長援北斗東南傾當年賀監早相識長安論詩青眼明
金龜換酒定何許酒家恨不傳其名任城地好富水木
憑高縱飲神擘嚼當時我若接杯拳豈復于公爲後生

鼓柁集上

三

今來隔水望丹雘棟雲簷雨紛縱橫君不見少陵詩臺
留魯郡秋草蕪沒飛流螢又不見曹王陵墓碣徼北殘
松積蘚荒碑亭雪泥鴻爪半漸滅雄名空自馳風霆文
章故是身外物敢與麴蘖相爭衡文章殉人酒殉已此
論雖創堪服膺舒州杓力士鑑公昔與之同死生我亦
欲與尋前盟重來大醉槌黃鸞吾言不食星辰聽

昭陽湖行書所見四首

湖上人家無賴秋門前水長看魚遊當窗莫暎西風網
時有行人來纜舟

白波如涉浸溝塍禾黍菰蘆互作層棹入青蒼前路夕

半規秋月起魚脣

屋角參差漏晚暉
黃頭閒緝綠蓑衣
倦來枕石無人喚
鷺鴨如雲解自歸

微子山頭隱曉霞
濕雲濃壓峭帆斜
迴風忽皺平湖水
雨立船舷看浪花

泗上亭

漢祖遺墟古道旁
秋波東去管興亡
驪山氣向沙邱盡
泗水雲連芒碭長
豪吏寧如季成事
沐猴安得帝歸鄉
賈生漫會歌風意
前席無緣問四方

大堤歎

鼓枻集上

四

大堤宛宛蛟龍形
長偃通津驅不去
夜來風雨天河翻
一半隨波忽東注
畏佳失勢常恐傾
尺土猶使殘黎爭
縛茅編荻學蟻聚
十里喧喧歌哭聲
堤邊村落由來少
况遇洪濤跡如掃
雞豚兒女未全漂
相喚相牽此相保
秋陰茫茫晝不分
遠堤時有雷霆奔
桑田若復變滄海
天大神州無去門
年年築堤不作力
今日堤頭留一息
督河使者不煩催
來歲築堤如築室

新晴過駱馬湖

日射曉帆紫始憐
湖上晴持篙雄意
氣振柁碎波聲樹
動風偷轉雲飛鷺
遮明故鄉沂泗水
從此送南征

渡河

濁波騰蹙轟雷吼百萬驚龍盡東走片帆巧坐西風頭
眼瞥弦開箭過手長年輕趨空自誇山翁變色愁且嗟
借問高人長嘯意正臨秋水誦南華

清江浦書事二絕句

一夜盲風被碎秋家家十日寄船頭遊人錯會年來慣
笑指黃河入戶流

陌上洪流失舊津長鯨雪齒競甘人似聞漢帝乘槎使
翻託微波近洛神

淮安城西泛舟

鼓杜集二

五

名城銀甕西數頃碧玻璃舟上平橋迴波銜雉堞低秋
林空露杪夕照不分堤他日懷今雨香塵撲馬蹄

高郵

不見秦淮海煙波恨不平空餘半鈎月猶照覆孟城柳
帶平阿瑱珠涵鏡社清扣舷歌楚些淅瀝動商聲

夜泊揚州

雨過江城半夕曛維舟就夜思紛紛碧波送客忽千里
明月迎秋剛二分亭榭誰家堤畔柳烟花南部海西雲
浪遊莫問前朝事付與濤聲浩蕩聞

渡江

曉霽開江路秋風動海門波濤天不極舟楫道斯存遊
子苦無著榜人相與言地吞三楚盡水涵百川渾帆席
輕雲颺舸船渴驥奔烟姿媚南服山意收中原時事歌
黃鵠佳期望白蘋逃名終泛宅浪跡莫招魂荷芰衣前
製澄清志漫論祇應羨詩老

謂阮翁

持節問岷源

望金山

窈窕凌波姿合在中流住臺殿勢難安參差欲飛去天
龍謹護持日日濺花雨翻疑妙高顛上接諸天路憶曾
望神山但見濛濛霧巨鼇畏動移靈境欣指顧吳榜輕
可涉海潮曉方怒帆腹飽西風揮手成前度

惠山

鼓柁集上

六

孤墦空明外連岡翠靄間一杯分雪乳夾道指名山聞
道康王谷飛流不可攀由來天下士脫屣去入寰

野泊對新月口占

欲飛欲落螢火明爲官爲私鼓吹聲溪頭月上菱角曲
水面舟浮蓮葉輕

過蘇州

楚江烟雨送行舟偷得吳閫一段秋竹樹向人皆秀削
山川隨地自清柔嬌歌軟舞時時酒貯月延風處處樓
聞道滄浪有遺築故應許我問菟裘

吳江夜泊卽事戲題

沽酒穿林等遠火買魚和月過鄰船
自知不及乘軒鶴得向松陵乞料錢

柔艣行

纖纖岸草蛩蠶鳴嫋嫋湖風鳧雁聲
且前且却似含態乍斷乍聯如有情
遙添野響秋山晚細入離心鄉夢短
枕舷倚酒夜厭厭水闊天低州月滿

平望舟中長句

吳淞流水清且妍越波鱗鱗要我前
孤舟翩如來自天微風不動舟如山
幽人寂坐無一言倏吳倏越心流連

鼓枻集上

七

秋容十步一圖畫爭與我目相資
綠青林蕭森出雲烟位置有意無意間
罷亞萬頃平不翻細雨淨綠生長川
如斯景色故不惡只少碧嶂攬天寒
曾凌滄海攀日觀下視不覺成微瀾
豈以松柏獨貞堅遂欲翦棄桃李顏
峩冠長劍神宇聳曲眉嫵目遺視矚
二者正使交生憐亂鬢蟬鬢皆便娟
試將我語問西子淡晴濃雨誰能偏
桂櫂蘭枻肯我延飽看湖月中圓

寄朱竹垞檢討村居

江村水樹澹秋烟不見幽人思悄然
往接簪裾三殿側近聯蹤跡五湖前
老爲鶯脰漁翁長閉上鳴屨估客船

各有彈文留日下他時誰作舊聞傳

竹垞甘著
日下舊聞

石門縣晤吳青壇顧詩城二同年詩城皤然矣青

壇學道而意境殊不佳詩以慰之

青壇人懷越東

語見亭邊開竹林故人潦倒來披襟黃冠白髮訝相見
蓴菜鱸魚秋正深我邀酒徒同釣艇卿無瓠落猶蓬心
天台高高攜手去一度石梁何處尋

論詩二絕句

其一
其二

畫手權奇敵化工寒林高下亂青紅要知秋色分明處
只在空山落照中

無絃祇許陶彭澤會得無絃響更長若使無絃亦無響

鼓柁集上

八

人間悅耳足笙簧

曉駕小舟詣西湖至昭慶小憩

塵蹤落名境茫昧失所擇欲尋湖山去竟被人烟隔寒
溪一徑通短棹破濃碧由來訪仙源必藉漁舟入鳧鴨
晴白散菱苳露猶滴微微日上衣渺渺鐘迎客山僧開
竹房焚香設瑤席斥鷃亦逍遙崇朝且休息

西湖

輕舟晴夷猶湖水秋渌淨客心與物態曲折入明鏡東
南結秀異江海呈清瑩空含天地姿細寫烟月性龍潛
惜不翻潮遠波常定盡收山色妍豈藉朝陽映林巒紛

重疊並進請主盟始疑造物意故遣護靈勝寺將城錯
互隄與雲橫亘那能罄登覽且復恣游泳水仙不可招
孤立發浩詠幸濯纓上塵高情託越榜

中秋夜與涇陽劉西谷編修吳山對月

東見千里江西見十里湖寒光燦合離蕩此秋月孤吳
山秀接天月出當其前登高莽四顧清暉滿人間遠心
忽飛揚南北同一圃我乘白鼇越滄海君亦赤鯉辭秦
川憶從燕市別九十度盈缺寧知來此地復共今夜月
雄城百萬家歌吹方闌咽邈然山顛客一笑兩幽絕明
日扁舟江上風思君獨在湖山中

鼓棹集上

九

飲宋聲求北鄙庭中桂花下

入室如山幽愛君展心晤颯然湖上秋集此庭中樹淡
月漾杯空微風落香雨

晤洪昉思聊答贈

頗憶旗亭畫壁時相逢各訝鬢邊絲早知才薄猶爲患
正使秋深總不悲吳越管絃君自領江湖來往我無期
祇應分付亭中鶴莫爲風高放故遲

鳳凰山下感南宋遺事四絕句

鳳凰山樹夜棲鴉月識前朝天子家故國不和江在眼
荒岡猶遣石排衙

簾捲江湖紫禁清山勝良嶽是生成不知雲月芙蓉閣
何似風沙五國城

如霜瓶塔點秋陰雨洗名藍舊殿金凋盡梅亭千綠萼

賡栽珠樹入仙林

寺名

莫問宵分玉輦蹤觀堂香霧翠寒松却教詞客閒支枕

聽徹三茅觀裏鐘

雨中錢塘江登舟

息棹六橋曲西湖不我留徑去勿返顧趁此江上秋八
月天宇廓千里風力道潮如萬山雪胥怒殊未休身非
弄潮兒疾呼轉船頭蕭條飛雨來洗我懦與羞西南江

鼓棹集上

十一

山麗可以窮討撥坐攬雲木秀臥挹沙水幽宵爲漁浦
齊明追康樂遊

富陽道中

烟含富春郭雨潤赤亭山矯首短篷底秋風凋客顏蕭
蕭楓柏暮中有屋廬閒遙羨幽居者清江照閉關

嘲同舟樂翁

罷酒顏不改先霜鬢更寒沙頭小蹲立真作白鳧看

桐君山

仙人偶休息名與此山分何不隨黃帝而來臥白雲荒
亭留鶴怨遠浪蹙龍文好去空巖畔栽桐長對君

桐廬

烟裊寒山似在空
三江合處碧濛濛
迴舟忽入樓臺影
無數人家秋雨中

富春山下口號

浮家水愛撥藍色
垂釣山依疊翠屏
到此偏宜棄官職
前身恨不妙丹青

嚴先生祠墓

先生高臥耽江山
下見漢火燼復然
直鉤而釣心悠閒
一朝蒲輪賁空谷
直上九重盃兩足
麻鞋戲閣天子腹
帝座巍巍不少傾
千秋此帝容容星
潛光歸去天冥冥

鼓枻集上

十一

卽目

木芙蓉發江之濱
鏡中溪女明妝新
客心無賴望楓樹
樹裏畫眉啼向人

雨登八味樓臨双溪聽彈琴

登樓懷八味俯郭見
双溪梁日不可接
越吟空自悽江
沉寒雨淨山入暝
烟齊此意憑誰領
清琴有客攜

阻雨不遊金華洞金華明府鹿友兄爲言三衢山

中有仙人樓閣居
絕壁上人跡不可到
而望之甚
真近亦每施丹采
余心昇之乃記以詩

神山樓閣難近傍魚龍就海慕其狀天風亂捲入雲烟
刺遣人間道虛妄羣仙大笑憫愚頑顯以靈通布疊嶂
飛簷下視白日流洞戶重開翠微上不知厥地誰主宰
不知厥宅誰營剏構造知用何材木執作知用何工匠
爲依帝所宮闕形或傲世中屋廬樣傳聞藻繪屢增新
豈有塵氛得遮障丹房紫翠出寰區咫尺金華庸敢抗
赤松定已久移居故洞石羊兩相向我從早歲佩鞞落
幾抱殘書接脉望二勞曾乞紫霞餐萬里終持綠玉杖
攬身何日排青冥揮手同時謝讒謗待兄扣壁喚初平
遙見松扉一鶴颺

鼓柝集上

十三

自龍游至衢州雜感四絕句

石子爛斑界穀文凭舷弄水到西曛溪山合讓嚴陵好
祇愛今朝不受雲

每聽灘聲憶鼓鞏張公端是稱鬚眉于今姑篋餘秋色
不見西風掣大旗

人間勝負能銷骨仙客遲留只爛柯樵叟歸來應有語
可知無奈斧斨何

白首清風琴鶴俱千秋作計信公迂都來鶴瘦琴材薄
直得兒孫一飽無

泊常山明日將山行

北客南來擲馬鞭，漸于水宿得安便。忽逢楚越相參處，
無數青山阻進船。麋鹿定尋筇杖約，鳧鷖猶傍柁樓眠。
此身牢落如秋色，不擇江風與嶺烟。

坐竹兜子中戲爲其狀

逕紆萬重雲，身寄一片木。知我不能緣，橫施兩竿竹。擁
腫氈裏石，睢盱籠盛鹿。宛披山海圖，穿胷下垂足。林風
吹蹒跚，世路悲卷局。却憶故園秋，黃牛牽碌碌。

泊廣信懷馮三躬暨

高溪碧玉流，石瀨戛我舟。偶隨豫章客，欲向彭蠡遊。江
湖本無主，客遊亦無期。夜泊信州郭，忽知秋氣悲。一杯
亭上月，獨照離憂發。渺渺不能止，綿綿思公子。

葛溪

曾淬芙蓉色，寒波照眼明。人間千莫盡，天上斗牛橫。剩
有匡廬畔，双峯插紫清。擬將歐冶子，西去問豐城。

望仙人城

翠削四壁合空山，誰定居高秋。動雲物西北，接匡廬雅
意。仙城主神官，不見除醉邀。弋陽月飛夢入清虛。

九日舟中無酒對月放歌

我不爲劉寄奴，六軍大饗陳菜蕒。又不爲孟參軍，龍山
風高帽落雲獵獵。百萬齊俯首，蓋世勳名一杯酒。窺竊

神器稱王公，齟齬自古非。英雄元子鬚，如蝟毛磔絕。倒謂有如此客，是兒不死更數年。宋公應輪捷足先，坐中俛仰供嘲弄。寒賤依人殊可憐，丈夫失意江湖上。別有重陽發幽賞，牽船就岸暮到家。何妨無酒無黃花，况復林間故人在。娟娟寒月生，天涯月照昔人空。已矣默看時節東流，水獨食陰氣御霜風。不放清光懷袖裏。

江岸竹林板屋石路下屬注目者久之

修竹連江色，誰家屋數椽。翠侵簷側出，烟沒徑空懸。耽隱思投足，乘流不繫船。遙知俯視者，亦羨我悠然。

晚陰舟行

鼓枻集上

十四

空波與淡月，漫漫同一白。長年與遊子，泛泛同一客。漁火起微茫，沙禽驚格磔。前山如雲屯，獨樹作人立。我行數千里，攬此秋曠色。浩歌合重陰，天地了不隔。何事楚三閭，長悲俗迫阨。

彭蠡湖

飄氣中流轉，烟光四周遭。層波碧離離，秋色寒滔滔。冷然乘風遊，託身任毫毛。仰觀天垂幕，旁見林露梢。山移舟向背，日蕩心飄搖。北望千帆走，燦若組紉交。五老雲外笑，人世心魂勞。我但唱小海，君其歌大招。

望匡廬不可見

香爐烟散半湖雲舟入荷陂地
名水又分却羨沙頭双白
鷺潛隨明月過匡君

野岸疎籬始見黃菊

目憊重陽後黃花倍有情雨畦留駱賞柳徑得陶清肯
櫓看鄉縣傾杯隔弟兄誰知秋向盡初訪豫章城

微雨登滕王閣望西山

秋明帝子閣雨起真人山乘高掃雲霧江動襟裳間孤
鶯時自飛珠簾誰復懸驚風送林響浦激蕭蕭然我從
帆檣中直擬鸞鶴頭倦目極縹緲遠想窮清寒昔人文
字名幾隨劫火烟豈如洪厓井玉雪長琤潺偶陪湛露
遊長嘯終來還日夕見州郭世塵繁苦顏

鼓柁集上

五

南昌雜詩八首

梅仙禮斗壇

舊觀秋深北斗寒嶺雲長自擁仙壇不因老尉焚香拜
爭得元公旋席看

謂王莽隨斗柄而坐

孺子墓

欲致生芻意轉哀思賢亭沒雨荒苔諸侯滿眼俱懸榻
遮莫南州高士來

鐵柱宮

聞道神功此地偏靈池八鎮尙森然潛蛟不起江湖闊

野客閒吟寶劍篇

翻車徑許真君
何人事

攬轡埋輪非我徒酒樽詩卷世何須從今便覓鉏犁去
準擬仙山學仙夫

寫韻軒

好婦相隨便作仙書生的有風生緣可憐十載鍾陵市
費盡人間買韻錢

昌黎碑

千古韓碑付渺茫子安雄據少年場盈川已負同時恥
至竟吹噓荷馬當

鼓柝集上

十六

蘇圃張德遠云雲
卿今之管樂

虎帳酣眠是壯猷故人龍臥隔三洲爭教管樂輕相笑
大有人呼作武侯

東湖

不見陳陶栽紫桂漫從徐俯釣金魚更聞蘭若龍沙北
龜策何年爲卜居

江上逢鄉人歸

霜楓落葉暮江頭南信風飄北水流浦外漁歌催短景
樽前齊語起離愁三秋獨送還家客萬里仍依上瀨舟
好去津亭問殷羨何妨聊作寄書郵

夢大木

本自長相憶，非因夢始明。如何隨落月，迢遞到豐城。劍
沒星虹氣，秋添故舊情。壯心與離思，催看二毛生。

夢迴

萬里烟波八尺舫，夢迴客意更蕭騷。江聲夜入枕衾急，
帆影曉參雲月高。白雁風來迎翡翠，黃桑葉盡熟葡萄。
南天關遠秋搖落，歸去酣眠對二豪。

吉水咏雁字

戲海遊天得幾迴，家雞野鶩任相猜。山陰道士無由換，
特地文江照影來。

鼓柁集二

一七

廬陵感懷先叔祖觀察公昔巡湖西發奸靖寇著
有異政實駐是郡矣

霜凝沙渚白于銀，欲棹澄波門獨愴神。夜火不教驚過

客，寒廳無地問詩人。功成寂寂江山色，去後騰騰戰伐
塵。爲道九京荒宰木，還應三戶泣遺民。

無風沂江崇朝十里忽得午風快然成味

欲知舟上瀧，譬若魚升木。因循日高春，跌宕水一曲。欲
岸黃葉林，諳數參差屋。翻疑白下山，苦戀蓬際日。何來
快哉風，徑爲帆鼓腹。又如絕塵馬，或是避弦鹿。奔雲亂
鶯鶻，碎浪喧琴筑。列堦爭送迎，顧揖不暇矚。榜人嘯聞

逸余亦謝拘束濯髮消繁流何心請賜谷

小泊萬安

帆落魚梁北前山合萬重遙知欲惶恐且復此從容郭

靜聚洲鷺灘長吟峽龍五雲不相借獨去採芙蓉

五雲閣在

江渚隔岸
爲芙蓉山

惶恐灘口號

斜陽一線繫金船鴉軋撓聲尙滿川何處人間不惶恐
羨他高雁入青天

行十八灘中

灘行日百轉轉轉山四圍寒流中屈曲鬱怒不自持秋

鼓枻集上

丈

凜肅殺威陸發龍蛇機迴風地底來電雨皆倒飛亂石
勢騰攫獍惡各異姿似噴舟船逼列陣前相追篙師工
避就色授頤指揮蓄力爭毫髮同心生坦夷遊人閱奔
峭快意耽幽奇秋雲搖水壁杉竹森下窺弄波情無極
棹月願猶遲夕陽駐西嶺爲我延清暉

晦泊大湖口灘行三日矣

豈意隨漁父他鄉斷送秋炎雲浮庾嶺清漲阻虔州征
雁寒呼客跳魚夜打舟自憐同顛石宿留遍中流

十月朔日雨中卽事

峽雲壓船如連屋半夜灘聲攪眠熟天明坐失烏影翻

林靜遙聞鳩婦哭起看曆日一帛悵暗數蟾光幾盈朧
故山此際正荒寒萬竅號風搖北陸祝融南紀肆炎威
餘力猶能庇草木雨師附熱走且僵爲致廉纖洗濃綠
黃楊烏相氣鮮新蔗隴杉岡烟斷續凝妝乍愛紫艷垂
避濕還憎白鳥簇水程和緩衣裳宜歸夢生疎歲時速
心期飛步羅浮巔荷笠披叢杖筇竹四百三十二峯青
晴望超然雨亦足

發贛州數里阻雨野泊

峭帆濕落鬱孤西千里彭江咫尺迷却坐荒波愁渺渺
真成久客耐淒淒有情白鵲雲偏暗無賴黃茅瘴易低
遙羨青鞋持杖去梅花嶺路不霑泥

鼓枻集上

九

咏江岸拒霜花

露浥風翻裊裊枝可憐閒澹與霜宜江妃無語空含睇
妬殺天寒獨倚時

南康縣

水縈山詰曲千折到南康孤塔穿帆影迴江納夕陽風
聲撼橫浦峽勢寫瞿唐莫問嚴城戍時平漢築荒

遙見

松雲霧懸瀑遙見是何山定知會寒流赴我急棹前白
龍困魚服屈曲隨泥蟠方其爲霖雨可望不可攀所以

巖栖者沉冥長閉關

南安贈逆旅黃翁

城帶寒江居者清主人白髮稱書生行來欲半地南北
愛爾不知余姓名似訝狂夫重問訊憑將前路話分明
宜城春酒名盡夜霜薄一笑出門雞亂鳴

度大庾嶺詠古

昨辭灌嬰城今陟梅嶺朝光未放壘嶂開一碧微茫
千丈影前行岡阜紛藉重林間石磴垂虛空緣壁直上
蟲脈脈出峽欲落雲容容獨立天風一迴首古來地勢
東南走中原山嶽莽縱橫海徽州原吞八九莫言形勝

鼓枻集上

三

關興亡秦人當年此啟疆祖龍自用千軍守故吏翻稱
五世王陸生行處餘幽賞伏波定後多來往無雁能裁
遷客悲重關不隔降王長漢文皇帝一緘書神武千秋
總不如君不見南征多少熊虎將嶺頭却祀張丞相

張曲江祠

丞相祠前古木齊舊開關路俯丹梯君王底事憂南越

不遣經營劍閣西

梅關公開元
初奉勅所開

泊修仁水口對新月

今夜三楓月離家四上弦天池何處徙北斗不勝懸舟
楫欹韶石衣裳入木棉却尋過嶺路歸夢滿風烟

食檳榔戲題二絕句

猶自清水趁齒牙強含瑪瑙嚼硃砂怪來老將風前唾
也點昭陽袖上花

侏儒從遣笑長飢舌在唯應韞秀知忽憶金盤盛一斛
丹陽老尹是男兒

曲江咏文獻公

覽古江仍曲懷公我欲愁無心應避隼作扇不禁秋汗

竹迷金鑑琴泉咽寢邱

公自題園林句云風泉何必琴

憑誰問風度山

鬼競搔頭

野泊聞蟲鳴

鼓柁集上

廿

不放秋聲絕冬吟聽更悲岸船相掩處烟月未分時故
向風霜語如矜天地私微生吾識爾端是與炎宜

舟中觀英德瀕江諸山

毒溪收亂流炎海縱輕裝羣山似相識左右獻奇狀赫
如鯨波怒雲雪立疊浪燦如季倫豪青錦排步郭氣鬱
水木秀勢倚霄漢壯橫江失全照急景迷定向高帆忽
飛動遠目屢得喪誰知英靈姿競進無苟讓顧望恣恢
詭登臨阻雄曠幽巖落鐘聲結想烟霞上

讀故人王南村副使憶雪樓詩喜聞其尙在廣州

遙寄

獨臥羅浮巔長憶寒門雪豈知萬里心空落峩眉月峩
眉山月秋照見南海頭故人吟嘯風颼颼問胡不行爲
我留我家北海側雪花大如席偶來嶺表遊亦作懷鄉
客作客何期與子逢買舟疾下趁天風蜀江且願持爲
酒共醉海山明月中

乘風度瀆陽大廟清遠三峽

急峽束奔流高風縱客舟蛾眉含意別中宿有情留斜
照侵帆遠輕烟到月收孤懷信漂泊江海日悠悠

晚望飛來寺

寺有歸猿洞

東峯微靄西峯黑萬樹雲濃蘸江色名藍紺碧杳難尋
疑是飛行夜無迹佛燈忽閃光青熒殿角暗與船欹傾
山風吹過松門去十里月明猿嘯聲

聞鷓鴣

擁棹聽南禽寒風生夕陰月黃江淡白山靜竹蕭森爲
客欲萬里此行違寸心殷勤相勸意空入榜歌音

節山詩集卷之八

青州趙執信

鼓柩集下 古律雜歌詩一百十五首

暮抵廣州

扁舟忽南海萬里又黃昏落日動江色寒風生虎門遠

鐘催蛋唱微月返珠痕

江中有海珠石

沽酒醉歸汝此波連故

園

訪南村不遇題寓齋壁

故人卜居處門對碧海開海上無心雲送我來扣關應

門僮僕靜晴日棲簷端照見讀書室隙風亂塵編爐香

節山詩集

寂不發庭樹寒自妍思君在何許窈窕西樵山雲峯七

十二峯峯落飛泉遙知客中意擬謝區中緣聞當詰朝

還一夕劇十年且復拂君牀遣夢相留連

下榻於南村氏

前守惠州築憶雪樓以書招余

他時憶雪樓頭望懸榻江山待我來今日越王臺畔客

對牀懷抱為君開乳蕉花下風落橘荔子林中香綻梅

共醉不須論往事南溟清淺易生埃

寄同年張潮州拘齋余不日將詣之

潮州東去尚千里每聽潮聲空憶君遙意髭髯渾似昔

昔送張出守平樂有句云珍重故披瘴癘一相聞山寒

殊方嵐霧裏他時看取舊髭髯

麋鹿心無主，海闊魚龍氣不分。報到春前多釀酒，待看
官閣雪紛紛。

與陳元孝王蒲衣兩處士夜坐論詩

老大兩布衣，宴然當世士。各出一詩卷，邈矣古男子。嶺
南冬亦春，坐訝清寒起。乃是冰與雪，披拂懷袖裏。我行
窮萬里，所遇無可喜。今夕忽欣然，風燈落連藜。

長壽庵贈石濂上人

近始浮海
歸自安南

城西聞磬處，寂歷贊公房。池聚碧海色，窗分絕域香。樹
形龍聽法，庵有老
榕甚奇僧病鶴還鄉。頗愛宗風大，能知楚客

狂。

鼓社集下

二

樊檢討崑來，招同劉郎中。省齋梁吉士，藥亭及南
村。元孝蒲衣雨中泛舟小港橋。

是日天大寒，北風落潮早。郭外霜雨深，水南溪山好。高
賢命彩鷁，狂客躡朱鳥。相與寫勝情，殊方事幽討。寺荒
花木榮，地迥人烟少。杯舄凌空明，歌呼動莽渺。酒酣起
四顧，海氣橫八表。諸公濟川才，飛動意未了。吾與二三
子，仙期緬雲島。東去訪泉源，青春長瑤草。

過六榕精舍

門榜大蘇書，遊人到不入。鐘魚發妙音，花藥引深室。無
言玩香烟，我欲來臥疾。

光孝寺懷古

寺有南漢鐵輪刻上杜國龔澄楸同女弟子鄧氏及大寶六年云云

走傍菩提訪夙因
玉園鐘鼓尙清新
功曹舊種訶林老
丞相經臺瘴草春
誰向曹溪分滴水
還開蓮社待遺民
翻憐大寶年中塔
龔鄧分明是主人

題光孝寺風幡堂所藏貫休畫阿羅漢像二軸各

一首

老宿寫經經在眼
千偈歛隨電光轉
山精灑掃倦欲眠
擁篲而僂人衣冠
小師欲語不得語
微笑當庭白日午
入天湛然池水空
殿角颺颺幡動風

打包何來自西竺
愁足昂頭觀有欲
猿公低樹如有言

鼓柝集下

三

山僧無我何見聞
一雛如拳綴母背
非人可以人理會
爾曹攀枝無損根
此物云是菩提身

示善相人曾翁

入洛英姿早出塵
天涯顛顛二毛新
忘情未必非吾輩
不相應知是至人
稽阮形骸從土木
鄂褒圖畫冠麒麟
百年且作千秋語
記取相逢見在身

石公刻所著海外紀遊集未竟余因以觀海詩屬

之復有此贈

巨海匯東南茲惟天地藪
古今相波濤萬象入涵負
疑是造化源永與虛空守
豈復世間人智力能挹取
偶藉

君中書頓忘身芻狗不覺荒忽形遂爲耳目有師應異
國請持杖歷南斗杯前罔象趨鉢底毒龍吼我登之罍
巔十月羣靈走貌得三神山烟雲落吾手高吟非詘和
萬里互先後譬如懸黃鐘噲吹同一扣竭來此相見欣
賞意良厚海山長嘯時却憶無斯友仙城多好事傳誦
略上口隨時遣流布投報任瑤玖別期我已卜大業誰
不朽他日俯鯨波相思各剋首

與元孝南村登鎮海樓

登樓窺玄冬滿目盡江海三城颯雄風五嶺凝寒彩高
天如可捫短日復誰待太息越王臺乾坤爾空在

鼓枻集下

四

朝臺

西拜心懸千步臺臬雄氣盡陸生才三門洵洵寒潮急
猶應當年朔望來

湖以朔望大上

歌舞岡

岡側卽南漢呼鸞道

老尉高居作好春呼鸞相接海揚塵青山不肯留黃屋
翠羽時來學舞人

花田

南漢宮人塋處
渣素馨花獨香

婁迷雲雪繞昌華盡是劉郎解語花猶有芳香未銷歇
可憐烟草玉鉤斜

石門泉

春風薇蕨首陽田洗耳清流亦偶然一自沉香有遺蒲
更無人解飲貪泉

將之潮州訓別元孝

陡覺羊城酒盞空鳴橈此去近東風無端素友留詩別
有約春燈待客紅山館寒梅香細細南天輕雪歲匆匆
那堪歸夢寬于海就裏平添獨漉翁

元孝自號也

別意答南村

十年萬里欣相見相見知應有別時晨夕陰晴經月酒
江山魚雁幾篇詩祇言渺渺他鄉路動作迢迢隔歲期
試問雲中望桑浦何如天半倚莪眉

鼓枻集下

五

過南海廟以晚不及登呈同舟王明府

暮江滌灑潮欲平林間金碧搖空青波羅古廟昏自扃
昌黎文光閃列星駱越銅鼓寒有聲祝融此時朝百靈
海風颯颯雲冥冥扶胥龍魚紛送迎北人屏息不敢庭
相與閉船火熒熒對語參差鄉曲情鄰舟互猜洛下生
呼褚季野爲荒僮自笑所至人易驚不如去訪朱青精
天雞夜半開層城與子撇波可以行

望羅浮

昔遊東海觀蓬萊宮闕晃朗金銀開扶桑墜枝生夜夢
火輪飛破琉璃堆南紀羣真羨奇麗狡獪驅石鞭龍雷

偷移左股置戶牖青天突起瑤石臺飛雲列隊引羲馭
欲與岱嶽爭風霾朱明洞中夜奏樂瑤池半入流霞杯
巨鼇伏罪坐失守千年斷骨霜皚皚我是安期瓜棗使
泉源生者無嫌猜午可老人賜顏色敢向玉女通談諧
擬尋松逕窺上界鳳凰去作高辛媒珍禽聯翩逆貴要
洞天猶爾吾何哀神丹火冷竈土埋虎嗜詎敢曠狼豺
山中方靈異剽訝仙壇竹橫斜莫問荒村梅空明九百
八十瀑不爲遁客湔塵埃片帆搖曳蕩寒碧長煙落日
相徘徊江迴日徙幾圖畫持較登眺誰爲佳譬如對酒
不得飲且復飽玩金尊壘東皇大笑君休矣春色指顧
生陽厓赤芝青飯久相待但欲掃灑太古苔會探風雨
合離處袖擘海山歸去來

晚陰泊惠州懷南村

高城結愁陰我亦憶雪色寒煙斷續生晚暖鶴峯白
人隔層波悵望江湖夕孤夢耿殘燈微風聞嘆息

舟中阻風寒甚飲博羅所齋酒却寄明府王靜齋

同年

別酒難成醉攜樽獨上船客過長至後寒逼大風前不
羨高齋夜雄談動四筵真成狂賀監水底恣酣眠

夜泊龍川

猶有秦時縣，雄名制龍江。盤鱗甲影天，拓斗牛封地。
古生新月城，寒隱夜春欲。尋老夫宅，志稱城西有趙宅故址山郭清雲松。

山行二首

回頭謝舟子，前路入寒山。徑上風中出，人從水面閒。勝情忽飛動，著脚向孱顏。連夕還家夢，依稀林壑間。
嶺自秦皇關，人傳韓子來。地形殘未造，天意挫奇才。薄日光難定，橫雲鬱不開。千秋餘過客，失路一徘徊。

長樂道中卽目

雨寒山淨，屐無泥。野闊江分，路向低。井邑入雲，皆繪畫。

鼓枻集下

七

田疇隨竹忽，東西尋源漁。子迷秦代買，宅嘉賓誤刻。谿殘臘過時，春更好。却防勾引子規啼。

興寧縣登小舟

梅溪三尺艇，相待沍寒時。歲暮江山合，遊人有所之。傍城烟蒼茫，返照水參差。攬轡亭前路，亭在縣西澄清付與誰。

蒼茫並上聲

月夜泊程鄉

和月到柳州，江烟澹未收。落帆聞擊柝，暎郭數維舟。客思頻清夜，波光自白頭。遙應結幽夢，仙嶂百花洲。

蓬萊灘

烈風送奔灘跌宕入新險遙收百里聽近懾千夫膽林
壑勢廻薄雲口氣蒼慘騰波盡起立巨石屢驚閃寒雷
閉厚地積怒時一撼半帆舒鳥翼疾下不容掩廻思顛
江平坐羨楫師敢何必歲匆匆遠遊本多感

對酒贈杓齋

海天流素月照見故人心渾似中宵夢何知萬里尋北
風催換歲南斗近低參離思比樽酒與君論淺深

潮州鳳凰洲

江上洲平沙水碧何年曾見鳳凰飛偏宜晴日望山海
直上高樓當翠微雲際清歌人命酒春前綠草客思歸
憑誰添取閒風景修竹滿川梧四圍

鼓枹集下

八

除夜雜感四首

閒身戀殘歲相守海南偏舊曆隨燈盡春星傍戶懸客
愁先入醉歸夢不知年迢遞今宵漏遞同故國傳
屠蘇連少長此夕笑顏開雪意低迷夜燈光晃漾杯坐
中應道我歲盡未歸來萬里三更噓鄉心一倍催

南國冬多雁無因覓北書妻兒愁病隔江海歲華虛星
斗移遊迹烟花近做廬可能和燕燕春社味歸與
故人爲郡處留我似平生失意無親戚他鄉有弟兄年
將人在荏苒春與酒逢迎莫漫耽良宴來朝別有情

潮州昌黎廟碑東坡手書者久亡後人摹刻者亦
毀拘齋礎石要余書之因繫以詩

潮陽文物區韓公實肇造至今牛斗間光焰纏遺廟湯
湯意溪流鱷尾不返掉峩峩筆架峯嘉樹留他耀庭陰
曠江空碑勢挾山峭蘇公振雄詞言大而體要仰追申
呂生深契天人奧衣公雲錦裳騎龍發長嘯兩公于二
代日月迭爲照陋儒肆謗譏吾意甘灑掃遊蹤接後塵
適願忘絕徼殘碣手摩挲悲吟向同好使君若要余炫
弄媠母貌寧辭白茅藉從被青雲笑我擬謝塵賞春風
理歸棹孤琴南海頭寄此千秋調

鼓枻集下

九

寄生榕

羨爾參庭樹清陰自一隅已看礙雲日誰復辨根株

龍慈竹

池上綠修修軒窗映更幽夜深烟月好記取鳳來遊

香螺

玉脆雪芬芳珍奇遠尙方祇應海南客大嚼傲含香

龍蝦

神龍好頭角何意落盤中莫訝爭相嗜人間盡葉公

人日韓江歸典

春寒晴壓空江水山翠雲光蕩船尾篙師撾鼓作迴颿

萬里還家從此始
人口他鄉人別離
郊原新綠已參差
遙憐沙渚多陽雁
肯向東風更退飛

山行遇雨同掬齋

蠻烟烘日晝長
隴箏竹穿林望不分
雨逐君車何冉冉
花霽客袂故紛紛
同牽直北山中夢
共踏窮荒海上雲
梁甫春嵐太行雪
不知底處勒移文

嘲嶺南梅花

芳香已是輸巖桂
細碎還堪比澗毛
莫更因依林處士
何當刻畫鄭櫻桃

鼓枻集下

十

上元日微陰夕泊惠州合江樓下李督軍奠原張
燈置酒大陳百戲適聞余至遽邀登樓縱飲至二
更雲散月出望江山夜色作歌

春風吹佳節忽來
如我舟偶著循州東城下
仰見城上縹緲之飛樓
云是東坡曾居處
兩江依舊前合流
夕陰未散水烟起
燈火欲動光幽
樓中燿然煥霞彩
樓外修爾喧蠻謳
元戎目力出賓從
遙訝舟中之客狂
而修招邀恐不赴
豈知高陽酒徒酒外無
能謀軒然後至
忘弊陋四座匿笑居
上頭連浮大白縱鯨吸
怪語頓發談天
鄒請君莫恨明月不相借
故放龍騰獅舞照耀催歌
喉恍疑蓬海幻冬市此身再與坡老爲同遊
千年境事

定無別不識當時今夕有此主人不更深列炬已半滅
月出皎若吳山秋河漢倒瀉萬里碧江山一氣晃朗不
可求起揮雲片作帆席導我直上恣所投不然乍可錦
袍同夜泛懼爲白鶴唐突青蓮羞聊呼鼓吹送歸臥一
石醉矣髮不留

隔江見白鶴峯

舊館規終老眉山此買山遊人自東望江水不西還湖
上雲難問林中舍半關高樓晴對處風細夕陽閒

惠州署寄南村

飽聞君作郡觸事得清新無訟多在句爲樓望故人遲

鼓枻集下

七

來空對月近約又辜春吟繞堂前竹玉猷我後身

遙題代泛亭

南村所築

高亭一憑眺聞道盡西湖湖闊水清淺亭閒人有無
舟何路到載酒與誰俱賸語名亭者他年寄畫圖

博羅訪王明府不遇口號別其二子

罷酒倚微醺歸心共海雲臨圻絮鄉語不覺字尊君

重望羅浮見双瀑二絕句

偏傍仙山得好晴泉源双落望分明青精生有招人意
白水巖惟放佛行

春到家山憶采薇不將蝴蝶製生衣何因乞取鮑君履

一化雲間双燕飛續前布蝴蝶

再入廣州舍于南村新居

我行蟻旋磨君居鳩移巢萍流大海中
浩浩還相遭初等門巷殊漸入花樹
交空齋識舊榻細雨清塵寮几間
紛毫素屋後堆芳醪云知子常來
以此為久要我已決歸計春風感
柔條愧君惓惓意且復同寂寥
同聲二三子過語不俟招願揮
魯陽戈廻夜長為朝

聽歌口占

牢落周郎發典新管絃閒對自由身
早知才地宜江海不道清歌設却人

鼓棹集下

三

陳山農為余潑墨作山水因題贈

太息塵埃內丹青老此賢相逢在江海
為我寫雲煙雨入竹間屋風橫山半
泉何當騎白鹿同往翠微顛

悼吳孝廉文煒山帶

漁洋未識名先著謝客相知意最親
余門人謝文治編修其座主也
欲尋君來嶺海豈關避我走風塵
余未踰嶺山帶已入都遂於北

土為新鬼何處天涯見此人歸橐強
攜遺硯去一回點

筆一傷神山帶有硯在南村所以遺余

書事簡崑來檢討省齋郎中二絕句

斗大黃金付與誰春風山戶不相知
都教隆準輕銷却

忽憶重瞳手弄時

海門天遠困雲雷
列宿沉沉氣不開
已見經年淹二使
虛勞中路望三台

謝石上人惠日南藤杖因以爲別

彈指與師別
掉頭看我
去師言不相留於法本無住手
中八尺日南藤
隨君試向家山行
近霜花雨留痕紫
曾劃蛟宮帶水腥
自憐舊是山中客
青壁千重岱宗北
持歸石路聞微鏗
萬里南雲疑磬聲

贈別廣州諸子十二韻

南海多君子
我來嗟已遲
遂令高士前
逝山已不得作

鼓枻集一

三

相知猶喜逢陳實
蒼然野鶴姿
忘年結新契
細律出雄詞
舊與梁夫子
金門接履綦
我狂甘放斥
君老亦昌披
二妙齊芳譽
王生不見遺

阮翁謂王蒲衣梁王顧卜鄰爲二妙余獨見蒲衣

恐難徧薦士
定先誰交淡
梅無豔
談深海有涯
五旬非
夢寐千載豈
差池並世真
成幸同心莫
怨離重
悲虎泉
叟竟隔死生期

謂山帶

江上別張潮州二首

其次子隨余北來就醫

寒烟上初日
双照客凄然
江水自流海
春風分放船
君歸教鱷徙
我去伴鷗眠
揮手不得語
高帆相背懸

連宵一樽酒
强笑不勝傾
以我思家意
知君戀子情
夢

苓隨地覓粟肯教爭况是關人處春深乳燕聲

佛山別南村

相逢元不意相別更無慘執手江干暮東風催上潮蛋
人寒泛泛龍目雨瀟瀟復有銷魂處清秋萬里橋計南村今

秋定至蜀矣

望西樵山却寄元孝南村

舟行甘午睡雨過起開襟忽與西樵對頓驚離別心昔
來勞悵望君正快燈臨春色碧雲峯際佳期誰重尋

雨入清遠峽

危橋中轟破天痕峽與雲波互吐吞欲取軍持驗坡語

鼓枻集下

十四

春江急雨水增渾

阻風泊瀆陽峽中夜大雷電曉起對雨

禺陽帝子調黃鐘坐愛空山有來往二禺祠在飛來寺內昨朝宿

霧隱飛來自笑遊蹤何適莽峽風忽訝失前津瀆水翻

能泪歸榜孤舟萍梗仰陰崖敢以微軀觸罔象夜深魂

魄悸崩雷便恐乾坤裂驚響羣龍久因快一伸火鬣朱

鱗競騰上地窮川嶽疑變移天遠鬼神畏鈞黨豈知作

劇向幽人苦欲要遮縱歡賞曉披萬瀑散晶明烟放干

林動蕭爽芳春爛熳未過半絕壁丹青劃成兩間情留

夢寄孱顏凍雨爲余洗悵殷勤更擬乞瑤笙徐引翅

風送蘭漿

英德西郊由峩眉岡至聖壽寺下涵暉谷望南山

作

積雨暗江郭不知青翠濃寺門隱深竹磻道裊鐘北
客驚春早南山爲我容應尋讀易子

谷昔有宋人讀易亭

持杖歷

雲峯

飲周象九江干草堂題贈

不信君全別請看江上居春波洶雲雪山翠絢堦除
石應逢隨投竿豈羨魚眼中我同醉留醒與三閭

遊碧落洞

英德西十五里坡仙有詩
礪居此自號碧落子著有琴斷行世

宋人石汝

鼓棹集下

五

亂峯走山幽絕壁開天罅恍然金銀宮疑向蓬壺借杳
冥積雲日闔關生晝夜洞戶擁驚霆飛泉就中瀉虛明
所照映萬象森相射絡巖乳倒垂翼石枝交亞紛綸霓
羽衣騰閃龍蚪駕知有世間人隔波欲前迓低徊抱琴
蹤雅志牽婚嫁揮手嶺海間茲遊獨堪詫

冒雨歸自碧落洞夜泛滇江飲酒示門人田英德

及同舟諸子

雨颭仙舟似在空中故教蠟炬照江紅扶筇幸不虛靈境

載酒何辭信好風三月烟花荒徼外二更賓主亂流中

州民他日傳遺事莫喚閒身作醉翁

縣古英州

卽事

山城日日坐淒其，打撲歸期未有期。
更被東風作寒食，當庭和雨綻辛夷。

觀音巖

艤舟仰崇巖，不雨露自滴。躡級凌空行，導火捫星入。
屢轉失向背，絕頂得開闢。佛座積香烟，出戶孤雲直。
輪囷青蓮花，百丈燭江色。前見萬巒屹，爭頭刺天碧。
非唯閩幽峭，亦復豁曾臆。安得桓子野，臨波弄長笛。

龍頭影山別田曉山

卽英德令

分襟便作隔生期，迴面輕將萬里移。
風雨滿江春晚晚，

鼓枻集下

十六

龍頭影下獨行遲

舟中憶內

孤舟獨夜感春華，鄉里牽情道里賒。
鳥語如人催去急，刀環似月趁波斜。
苦將紅豆閒拋子，遙意青燈病對花。
寸畝暖風三徑雨，幾時歸到種胡麻。

韶石

君不見虞庭始成韶樂時，兩階干羽何參差。
聲容盡善地則陋，茅土未收陶唐遺。
六龍南巡恣遊放，江山自獻羣靈馳。
蒼梧東畔湘水曲，怪石林立爭嶽崎。
攬天拔地三十六，形狀瑰詭神所爲。
鴻蒙鑿處試天刃，歸然列此

左闕右闕毬門基是時鯨帝心顏怡顧視岳牧浴后夔
胄子躑躅執器隨崇卑遠邇各有據儼然堂上堂下森
等衰始作雲波四綿渺既亂風雨中合離魚龍騰踏鯨
女泣祝融延竚禺陽窺坐令後世聞有飛仙語到今指
似空猜疑峯駝閣鳳或變化想像當年百獸率舞鳳來
儀鳴乎重瞳野死竟不返不識簫韶未奏之前此石安
所施舉頭一笑天低垂吾欲飈車等九嶷

重題二絕句

寒風夜雨送餘艫瀧吏相逢笑容忙

去冬以雨夜過韶石此境已至曲江

縣今日歸程如有約澹烟斜日曲紅岡

鼓枻集下

七

餘霞分映碧叢叢迴首迢遙望益工北客來遊須著眼
當爐三十六屏風

寒食

孤篷坐寒食猶是嶺南天江路多芳草春山見墓田岸
花明彩鷁帆席入風鳶却悔鄉書誤歸期題閨前
今年閨三月

江梅驛偶成

海南風物向誰誇歸去羞看嶺路斜却對梅花滿枝子
人言荔子此時花

却過嶺北寄南村省齋皆相約同行而不果

風吹歸客落千尋草色黏天蠟屐深嶺路春迴唐日迴
關門雲過北偏陰羣峯故掩經行跡野水能知欲去心
忽憶故人虛結伴纈黃徒倚獨長吟

南安卽目

南安之俗自寒食至
月晦無日無上冢者

野烟半入嶺烟橫柳鷗輕風水泛晴異地看花誤時節
春山有女卽清明客心近北翻多感况聽吹簫日暮聲
讀藥亭吉士見贈詩戲答

玉堂故事推前輩金粟三生失後身傳語海頭狂賀老
不應錯喚謫仙人

順流下十八灘

鼓枻集下

六

春水決連峽歸帆吞亂灘江山解人意不復相盤桓怒
流如龍鱗可順不可干怪石如惡人形滅氣亦殫我身
列御風舟子僚弄丸俄然鬱孤影遂著五雲端憶昨强
沿泝目眩摧心肝雷霆爭寸隙性命輕微瀾人生憂樂
情曠士同一觀懷哉今所易卽是前所難

峽江懷古

日出巴邱半青林飛赤鳥周郎不可問古戍日荒蕪長
嘯東風外春江幾舳艫小喬眉黛好羣玉一峯孤

南昌贈長洲孟怡園學士時亦將度嶺

一樽共飄泊聊欲說心胷試憶當時侶誰知此地逢南

州新客興西苑舊行蹤去去尋江海春深有臥龍

百花洲

在東湖上

雨濯雲水氣春蕩葭莖州隔城見江波愛此魚鳥閒寄
言蒔藥翁遲我當來還

讀戰國策戲成一絕

洛陽季子走踈蹶總把金貂換得貧輸與馮生好心眼
不將長鈇傍咸秦

重泊餘干溪書感

是去年九月無酒處

湖畔沙鷗覺往還又臨野岸弄潺湲
三秋留恨茱萸酒兩度維舟苜蓿灣
應有居人猜白舫空教新月笑朱顏

鼓枻集下

十九

青春欲盡猶爲客縱伴漁樵未是閒

雨泝鄱江過貴溪

山色凝前度歸心只自迷帆遲彭蠡曲春落弋陽西
急雨牽江直新林翼岸齊逢人問溪館沙鳥至今啼

微雨見龜峯山

弋陽江頭曉望時春山烟雨如罌恩桃花灘水側明鏡
三十二峯攢黛眉

弔辛稼軒故居

擬誄辛書記中興第一流慨慷詞獨絕慘澹志難酬
才駕張丞相神依謝信州瓢泉無恙否春水漫荒邱

上饒江中灘行

西江山水工留賓，長灘飛送來遊人。遊人已倦欲歸去，却遣前灘阻歸路。玉溪流波清可憐，秋浮一葉何翩翩。當頭春水落千丈，翻似鈎梯求上天。疾風倒吹十日雨，榜人與我同愁苦。江山厚意豈得忘，嗟哉信美非吾鄉。

新晴

新晴玉山道，水樹相玲瓏。啼鳥自清曉，高帆當碧空。灘聲掩客日，麥浪逼鄉風。且復耽吟賞，芳春闕未終。

雨過蘭溪却泝婺江寄金華鹿友兄

慣將箬竹作油衣，莫向桐江問釣磯。傳語清時灌壇令，

鼓枻集下

三

海濱風雨一龍歸

冒雨出金華，郭行水樹中。至普靜寺暮，由双溪泛

舟乃返

山雲滿郊郭，野水交溪路。襟舄生遠心，徒御無安步。南風有約來，飛雨亦爭注。濃綠洗分明，離離半江樹。新篁引徑幽，古寺聞鐘赴。魚鳥靜人聲，茗香延日暮。仍耽畫舸，泛復聽清歌。度燈火落高城，波光互吞吐。茲遊喧寂兼，夙志烟霞誤。縹緲牧羊人，何因展心素。

再飲查春谷廣文齋中卽事

夢遶陶家菊，半黃重來把酒共。清狂閒庭雨，過桐陰轉

鷺粟花開天夕陽

重經釣臺

巖陵氣高潔本自宜清秋鼓柁江山曉茫茫感昨遊棟
風紛嶺繡梅雨漲灘流誰把一竿竹來披五月裘

夜渡錢塘懷古

江深月黑夜潮上一棹隨風還獨來山折雲濤遙作障
天垂星斗自成堆陽鳥似避錢王怒東海空沉伍相哀
擊楫中流歎南渡時平誰問濟川才

湖上

重來清絕處容易惜餘春潑眼睛湖水如逢舊識人山

鼓枻集下

廿一

容動明媚柳色轉鮮新顧揖桐江叟此堪垂釣緝

答洪昉思吳舒鳧

擬同向湖頭
徧遊諸勝

雲泥蹤跡半生塵湖海襟情一夢新天下應無他勝地
眼中能得幾高人
鄴侯井畔封成徑伍相潮頭月滿輪
祇合香山并玉局能將文采照千春

假寓黃氏樓在風篁嶺下

故文僊
公丙舍

湖色分明映酒杯山樓日夕向湖開已拚十日平原醉
故就平泉坐石來

沿湖山行至靈隱寺上韜光庵四首

東南行欲徧苦愛此湖山落手扁舟穩隨身一杖閒信

拋空碧外獨去翠微間惟有林和靖春深覺往還
增意似相要幽尋避六橋人家兼竹靜野徑帶沙迤湖
勢廻逾媚嵐光近未消不須清磬引自識嶺岩巖
蔬圃斜分徑松門正對泉奇峯懸異域積翠藹諸天粥
鼓齋厨日風鈴塔院烟無因參玉版步履且翛然
竹暗禽如引苔深徑欲封兩峯遙對雨三竺亂聞鐘湖
影山腰出遊人樹杪逢西溪隔年約悵悵付雲松

湖心亭

亭開緣近郭日日足招尋人起隨波興湖生避世心秋
蛇蟠處滿春燕坐來深借問林和靖鄰居耐賞音

鼓枻集下

孤山

穠桃落盡客來過更問梅花意若何便與蘭亭爭坐位
全勝玄墓隔烟波天邊使者廻車遠隄上行人飲馬多
縱使千年有歸鶴可能重認舊巖阿

飛來峯

靈峯發遠想不傍耆闍住萬里九霄飛廻翔得佳處羣
山爭附從江海亦奔注西子解娛人當前弄烟雨鬼神
失典守求索滋危懼夜遣斧鑿來相牽就歸路徘徊戀
風月荏苒迷雲樹穿脅默無言垂頭坐猶踞我方息機
心輒欲通靈語天時易遷流世事足垂迓游行本取適

膠固反失據借日懷此都何嫌暫飛去

冷泉亭

珠光金色聳天關
澗響泉聲落小山
才到山門生面熟
何如却坐聽去琤潺

靈隱後山

幽尋越禪扃
相期罄心日常令
饒勝情自與佳境屬
峯壑望忽無蔽天
但修竹飛光玲瓏來
襟袖漾微綠
古苔止展齒危徑
有斲續宛轉深叢中
前後失遙矚
僧扉亦間開
小構引空曲
清磬落笈泉
因風亂琴筑
何年列磴石
倦憩堪投足
感昔共興懷
鏤名徧青玉
攀躋疑路窮

鼓柝集下

三

欲却不可復
驚見長林梢
浮浮數間屋
洞天倏變現
等丈在一掬
便合謝同遊
茲焉躡仙躅
林盡處得韜光
庵中祀呂仙

韜光庵金蓮池上茅屋三楹
遠見江海下盡西湖
杭城浮動其中極曠奧之趣
余醉後獨往得之倚
酒大書曰直須還他第一
旣而成二十韻因留別

諸子

錢塘奇秀雄東南
城郭江海湖相參
歸墟無涯羅刹怒
雖有木郭難窮探
西湖近人逞姿首
百媚併入微波含
我曾高登鳳凰頂
左右顧盼情所耽
頗憎塵市接嘈雜
日夜沸耳聲
何堪湖樓今來成
小住浮金羅碧輪
名藍

自矜坐臥得閒靜潛廡清鏡窺烟嵐江神海若定大笑
繭中局縮如春蠶提壺曳杖赴林岫欲搯幽僻供饑貪
豈知造物無盡藏天心祕惜留深龕盲僧俗客日交臂
但於池畔爭肥甘幸偕佳士解鄉導倦足造次趨沉酣
披榛陟險就破屋山靈許我前生詣當門縱目忽狂叫
一洗曩昔遊人慙波濤雲霧擁鬱鬱樓臺烟火浮澹澹
竹樹前張綺繡幄峯巒競插瓊瑤簋丹青瑣碎牘可喜
付與盪漿兒童談排空奮筆獨題品直以第一還斯庵
羣賢齊聲和真賞擬劄丹嶂藏金函萬里茲遊殿奇絕
歸程無復魂黯黯

鼓柁集下

廿四

雨泛蘇堤戲呈席上

湖雲乍湧帶輕雷十里平波激激開慣趁斜陽拋月去
却衝飛雨放舟來潮聲澎湃遙隨榜峯影冥濛倒入杯
從此風篁清夜夢六橋一曲更遲迴

小西湖

翠嶺仍兩峯碧波餘一帶誰向西湖西經營出狡獪窳
窳寫亭堤區分具中外狹能增曲折細易生容態當爲
明聖笑偏得女嬰愛濯足望青天世間孰者大

泊吳閫遇吳江徐電發

鈺

以小舟遊虎邱共飲話

江城梅雨非帆遲款乃聲中認故知却向名山重携
手松寮苦徑夕陽時

艇子飄搖似此身深杯照影並無塵閒評廊廟將烟水
何許堪容澹蕩人

歸次淮安值端午觀龍舟呈閻百詩若曠去秋下
榻其家

五千里外轉萍蹤重倚通明滿院松人向日南懷霰雪
路移天北駭魚龍詩囊略遣裝增重歸興偏教酒讓濃
簫鼓聲中渡河去相思獨上岱東峯

鼓棹集一

館山詩集卷之九

青州趙執信

涓流集 古律雜歌詩三十九首

天津喜晤老友吳天章兼贈其所主張君

走訪吳先生因識張公子能為詩人作主人此士定知
不凡矣况復接坐來觸事皆可喜開軒解衣裳留客披
圖史海氣曖曖橫庭除古色瑛瑛盈案几杯槃既雜陳
談辨遂蜂起剔抉六義微錯五八法旨門外喧闐南北
塵共洗清心照秋水老我數年來袖手復掩耳謗多固
可畏才盡亦知恥胡然此相見馬逸不能止蓮洋詩格

館山詩集

一

如蓮花引我亭亭出泥滓請君高詠結交行和我狂歌

從此始 天章詩名
蓮洋集

贈門人張逸峯 坦 因呈其尊人魯庵 霖 且以為別

四首

攜手望秋旻此行欣識君誰知滄海月近接太山雲雅
意黃花澹浮蹤白雁分空慙向衰暮何以答殷勤

憶與尊君友重逢廿載遙甘輸才不世豈謂謗同招對
酒海空闊吟詩秋寂寥眼中賢子在愧我益無聊 魯庵
亦罷

官家
居

書舍靜偏宜邀歡爾許時忘形信杯竿善謔入風詩退

筆欺僮父新妝玩雪兒殘秋足風雨別路不堪思
努力家門重清時事業優潛鱗且寒水健翻有高秋青
紫君如拾方蓬我可求相期各珍重鶴背與螭頭

暮春太山道中遇雨

餘寒和曉色客路轉氤氳五汶入春雨千山行岱雲塵
消容馬健綠淨向天分未擬成歸夢今宵遮莫聞

晚晴過太山下

時將之
江南

烟披嶽麓翠帷張雨浥春疇細草香人帶斷霞過小渡
鳥衝飛絮入斜陽鞭絲帽影垂垂遠日觀天門望望長
嶺半桃花隴頭麥肯輸物色與江鄉

涓流集

自濟寧至清江浦舟中雜詩六絕句

上闡下闡春水平大船小船銜尾行檣間神鴉忽又落
堤畔官蛙時一鳴

歷歷千艘北上天南音入耳總堪憐微風忽逗吳儂語
却憶昌亭夜喚船

湖上殘秋隔歲情雪蘆霜樹映妝成漁歌喚起扁舟夢
獨倚篷窗看晚晴

柳帶濃烟千頃新年年空護錦帆春祇今飛絮憑誰管
惟有隨波上下人

虛傳銀漢接黃流迢遞天孫不可求雲錦織裳成幾許

文星無數傍牽牛

桃花浪落失殘春，鶴首風高阻去津。
三老慣知河伯意，金錢偏與賽夫人。

淮陰詠古

王孫無食空垂釣，老婦相哀少年笑。
可憐一飯尚千金，百戰功成乃爾報。
膾等再拜言稱臣，鐘室兒女良有因。
漢廷將相羞爲伍，曾是淮陰胯下人。

酬張孝廉日容

大受

招同朱竹垞及吳中諸名士

讌集河上新齋見贈二首

詞場高步已無緣，曠向江東作酒仙。
未免能爲洛生詠，

渭流集

三

何因真上孝廉船，禾中一老晨星在吳會。
諸君竹箭偏除却，雄談似焦遂道余底事。
足流傳見贈有十年秋谷流傳體之句

虎頭癡黠體難調，客况猶憐未寂寥。
竹徑主人從見閉，桃源居者徧相邀。
憑將文酒塵如滌，何必湖山夏可銷。
魂夢勾留知有處，綠楊風外赤闌橋。

暮登金山宿海嶽樓二首

江晚潮半落，鳴橈乘好風。
欲尋浮玉上，遙過碧虛中。
塔入山烟澹，欄欹夕照紅。
前期欣有託，海嶽一樓空。

秋色連江暝，憑高望欲迷。
汀烟向山疊，漁火引星低。
天關捫疑逼，龍宮迴得棲。
今宵孤客夢，清絕海雲西。

清江浦雪中飲同年楊芝田大鶴寓齋

十年相見大河干倍憶春明離別難形影似憐新解組
鬢毛應笑舊彈冠舟衝霰雪歸猶遠門對流澌住未安
老向天涯且同醉休論塵海足波瀾

讀穆天子傳

穆天子雄心局促八百祀逸氣超騰十萬里金馬蒼龍
不足耽閭風縣圃遙相埃造父總轡立手揮七寶鞭排
雲躡景去不息六飛八駿爭盤旋掉鞅鳳麟洲濡袂星
宿海幾迴大獵空大荒白狼白鹿無復在瑤池宴處天
笑聲玉女三萬相逢迎千秋萬歲樂無極何事歸來成

涓流集

四

甫刑

久居中牟署中間故鄉有警時

大駕西巡將至縣境卽事寓懷

縣令余同郡人釀酒與故鄉不異

鳴琴非我事一月衙齋居爛醉青州酒恣啖黃河魚洛
東冬亦春花柳皆發舒似聞喧城市相與迎

鑿輿至尊時巡遊小臣垂掃除寸心隔朝暄鼓腹慙

康衢故鄉一千里消息驚萑苻歸夢寒川流夜夜東北
輪願傳警蹕聲直至日出隅悵望清道塵何因託賤

軀

臘日

臘日煖於春深杯引醉頻始疑寒雪意似惜微裘人官
閣梅千點他鄉月兩巡簡書倥傯會閒殺未歸身

賦得病中送客難爲別夢裏還家不當歸句各一
首送人還青州

無病別猶難支離望去鞍贈鞭數歸路留語勸加餐好
月遙同思殘冬劇耐寒家書憑仗寄強爲道平安

不道身長客逢宵一度歸風塵從冉冉兒女故依依白
晝耽眠過青春結伴違文書疏夢徧到日驗依稀

陽武懷古

博浪何突兀一擊動天地戶牖殊閒暇臨組有遠意二

河流集

五

公方困窮風尚乃各異量或優漢相氣欲吞秦帝席門
高車集北橋敝履墜寶玉韞已輝劍鋒淬始利及其起
龍蛇雄長風雲際我來訪遺躅塵外發長喟仙蹤腐儒
驚陰謀道家忌縹緲赤松遊慘澹白登討丈夫懷抱高
轉恐勲名累長揖黃石公吾終從此逝

夷門

入關婁敬奉前旌姓氏誰聞魯兩生十日春風千丈土

夷門獨去弔侯嬴

奇龍岡北渡河口占

杏花風颭榜人歌一瞬輕舸濟大河解道險巖有安穩

祇應銀漢日顛波

定陶道中卽目

細車飛鞵亂黃塵柳拂衫襦烏傍巾看盡春風眉髻樣
始憐曾有戚夫人

春郊卽事

天

偶與春郊約還將酒伴行雲烟際滄海花柳過清明曲
度野風裊杯銜溪月生醉歸天上路十里暮潮平

攬鏡見白髭一莖自題

餘春猶自愛朝暉鏡裏新霜點頰微莫倚雄豪誇似戟
空憐少壯去如飛鉛膏坐覺輸青鬢刀鐻歸應媚綠衣

涓流集

六

夙習吟拈今斷絕從知四十二年非

篆水樓夜飲

遊目偏宜傍海天高樓夜上更悠然流波遙作方圓折
明月全收上下弦客似閒雲信來往杯將清漏共留連
主人肯借匡牀臥坐遣蓬壺到枕邊

問津園卽事

閒園有約幾迴空逸興無端趁海風綠樹自隨人遠近
斜陽不隔水西東槐陰老屋宜清簟蓮葉新陂待碧筒
便與諸君常倒載兒童一任笑山公

五月晦夕魯庵邀登篆水樓納涼余以病目辭明

日爲長句奉戲且自嘲

昨暮君在象水樓樓中涼冷如始秋我聞未往神已往
長鬚更遣來相求小庭屣履忽却坐心與喉語空伊優
與披海風對明燭寧俟夜露清昏眸連宵轟飲錯賓主
如入酒池爭拍浮斂眉愁病悲紅袖侈口狂怪驚白頭
皆比日阿戎阿咸劇不耐戰鼓正急戈先投子弟輩往
座中事往先醉

英雄惟有使君操長鯨渴吻交颼颼丈夫漸老身如寄
失計未是埋糟邱但憂遇疾無小大十指亦足妨觥籌
何況神明在阿堵詎令巖電精光收賓筵佐史職不稱
妖姬遺視酬靡由縱使當杯強戒醉羣仙應共嗤盲修

涓流集

七

極知良時足可惜請君此夕無朋儔青天高懸列星在
招呼一一堪勸酬不然言歸洞房迴紅醪翠袖聊綢繆
文昌服藥我自忍玉川訟月君其休昨望日弦開輪滿
須臾耳所冀一雨生清幽登樓風景應更好便擬長夜
窮歌謳酒空客散初日上與君縱目滄津流

聞魯庵自河北移竹種于垂虹榭後奉題十八韻

愛君池上榭六月如寒廳連朝坐新雨倒盡双玉瓶小
山當戶矗孤雲藹亭亭微風香池荷跳魚響清冷四圍
雜樹色參差翠成屏猶嫌未濃陰不蔽白日形衛水二
千里水濱竹青青深叢積霧雨新籜拙雷霆一舸衣帶

流千竿鳳凰翎遂使尋丈姿入此方寸庭君真好事者
迴幹動地靈鬪象起嶽岑排空生杳冥淒清高士蘆縹
緲仙人肩正賴琅玕佳一洗魚肉腥潦倒王子猷長日
煩居停追涼應更數嘯咏或可聽娟娟海天月照人易
飄零與君卽嵇阮但醉不用醒

風人詩二首

莫茹沙頭蓼難堪一點辛不知蓮蕙苦爭道解蓮人
纒得新絲縷牽縈幾許長春睡聞藥氣試與覓蘂香

題家弟稼民

執穀所畫花草便面

十年山居侶草木籬外荷花水邊菊開撥歲莽品清新

涓流集

八

細草幽花總堪掬出山忽作塵中遊袖手昏昏滄海頭
輸與惠連能染筆臨泉坐石寫清秋誰送一杖來眼底
露態烟姿夢魂裏憑君傳語報池亭開到秋花我歸矣
冬日去天津魯庵及其子弟相送至遠郊留別二

首

寒郊曉風日慘澹引行塵經歲忘歸客今朝獨去身可
憐相送者一一最相親試與斯須立已傷無限神

臨岐黯無語忍泪望風埃久住渾非客忽行如未來林
疎殘燒遠溪午薄冰開宛是相迎處春寒首重廻

館山詩集卷之十

青州趙執信

葑溪集 古律雜歌詩六十五首

微山湖舟中作

舟前湖泱瀟湖上山橫斜湖中何所有千頃秋荷花山
雨颯然來風香浩無涯移舟青紅端飄若凌綺霞林光
村遠近樓影帆交加疑是桃花源參差出人家流覽情
所喜避地想更佳何必博望侯虛無乘海槎

山陽題李學士惺齋歸釣圖

李侯抱微尙泪沒金馬門手持史臣筆夢爲漁父竿

館山詩集

一

天子不聽還益復崇其官入直殊蕭散退食乃吟歎釣
臺歸老計挂口二十年於今欣得遂忽若籠鶴翻舊侶
復相逢清淮照病顏高官不可見但見白鬚繁顧笑韓
淮陰遺墟亦荒烟信知黃閣尊何如秋水便我雖山中
客屢刺江上船君其釣白魚來往爲我餐

碧波行

高邨

碧波吞日斜紅淺湖暝天低覺秋遠行舟欲泊何處投
一線堤烟萬家滿遙村近郭人無餘相將草草堤上居
猶爭堤前一寸水且免一日湖中魚天公不檢驕龍怒
偏向此那夜行雨眼看無地可容波終恐平沉赴江去

連江千里號悲風無由吹入長楊宮
翠華春日此徘徊
何不却趁清秋來

暮雨過召伯鎮泊揚州

風起鸛鷺鳴高帆縱暮程湖
翻遙海勢雨挾晚秋聲衰
鬢三年客荒烟六代城清宵
十里郭留月向誰明

雨中過查編修德尹

嗣琛

寓齋楊編修崑木

中訥

亦至小飲志別二首

二君皆在詩館

憶別塵埃裏重逢江海間
我來先落葉君舍似深山
松桂雨中綠書琴秋日閒
廿年一樽酒新照鬢毛斑

楊子翩然至相看淚轉揮
九原知己盡四海故人稀
騷

葑溪集

二

雅時方盛漁樵道未非悲欣付
酣醉岐路各翻飛
崑木先公

少司馬余座主也去歲新逝

寄曹荔軒

寅

使君真州

聞道高樓臨水起使君坐臥此
樓間帆檣競作魚龍戲
賓客空和燕雁還唐代精靈
應有屬曹實司清秋烟月
詩館

肯教閒遙憐解帶銜杯裏收
取江南幾許山

題顧黃公

景星

先生不上船圖

青蓮居士李謫仙醉倒天子
妃子前夢中狼籍作囂語
已入簫韶壓管絃長安市上
酒家眠沉香亭畔何殊焉
少陵野老眼狹小歌詠生憎
不上船近代詞臣那敢爾

禮法拘牽才委靡黃公詩骨高嶙峋史官如雨不著身
雄才狂醉空自信餘事青蓮恐笑人丹青闢作青蓮貌
或是前身那可料人生詎得總榮華我輩故應長潦倒
江東酒濃秋色暮太息黃公會飲處不見 聖朝愛
士過唐明詩人千里隨船行

江上阻風

放舟下瓜步江遠海天逼初曦將宿陰繚繞絢秋色林
聲發驚響野水動平碧風從東南來欲蕩邛溝直新潮
復大上急雨更交射徒聞捩舳勤進寸退乃尺屢因歆
岸轉漸與頽波卽心豁津樹橫目矚洲烟圻中流本雄
曠足逞馮夷力雷霆無節奏龍怪有跳躑是時凭舷人
快意危疇昔翻思造化功不在通南北濤瀾可恒怒舟
楫願終隔截然燥濕分條爾往來息土風不相移民患
從茲釋天聽方喧虺長謠竟何益

渡江舟中示兒慈

海日江烟弄曉晴漁舟斜引亂帆輕舊遊如醉三年覺
豪氣和潮一昔平勲業已甘充水手兒童但解問山名
豈知搖落西風候庾信頻來賦未成

雨泊虎邱

十里浮圖影三年舴艋舟溪山總相識風雨復遮留烟

樹空波暎秋燈小肆幽橋邊憶斟酌遣夢與同遊

虎邱有斟酌橋

酌橋

小舟沿葑溪至李萊嵩煦使君別業對飲話舊知
王南村亦客此二首

秋水迷城郭悠然小艇來碧溪新結屋端爲故人開桐
竹細含雨軒窗虛照苔心情無恙在未減昔銜杯

寒日傳書遠

去冬使君以書見招于天津

江天鼓棹遲祇綠憂俯仰

豈敢避旌旗迹已飄蓬慣身從道殫遺

山左比歲大饑人相食年

來問生事賸被子猷知

與南村及陸生萊臣安期話津門昨事感懷四首

葑溪集

四

去年俱客於彼

荷香澹泊月無情金谷樓危逼太清誰向九天傳一笑
人間始信有傾城

人去朱門事事空堂間蠟淚帶塵紅啼鳥與喚鬪扉月
莫遣笙歌赴夢中

地當滄海易揚塵世半交遊但愴神從此令人輕郭解
黃金散盡不關身

怕逢酒伴說歡場花月參差又一鄉君去江頭見陽雁
應憐猶帶北來霜

新晴與南村及張超然遠暫過虎邱

虎邱好秋月我來逾所聞正當積雨晴亭午烟景新寺
門畫舸集冶遊何續紛顧笑萬象中有此三數人櫛比
見華館喧闐羅芳樽竹樹酒炙叢水石紅粉春云方初
弦時歌管鬱未陳預愁三五夜客夢驚心魂臨高野四
望歷歷多松雲何人赴幽賞惟有清遠君因知習俗古
彌感氣象尊迴棹同所適月明白鳥羣

中秋與南村泛舟石湖望月

王郎與我能無愁客中放棹尋清秋清秋了知在何許
且遠城市辭歌謳胥江水洗天宇淨片帆輕駛如星流
橫塘西去見山影蒼翠豁露霜煙收楞伽靈巖兩迎揖

葑溪集

五

此中安得無夷猶湖光一曲縈我舟與子呼酒相勸酬
以湖爲酒恣拍浮須臾湖月忽晃漾照映天上白玉樓
鬚眉蕭颯風颼颼飄然疑墜海外洲却視人世真蜉蝣
我已一身隨落葉子亦一官成贅疣不見吳越俱荒邱
魚城酒城何處求伍胥種蠡同浮漚惟有石湖湖上月
曾照石湖居士遊西施溪畔餘溫柔坐中微笑寒花羞
子旣醉矣我未休迴駟馳急不可留風昔中秋有此不
令我却憶西湖頭

月下攜妓登彩雲橋東望城中燈火

登橋覺月近月色白于銀倒寫橋下水併照橋上入笑

語豔深夜翳展交清新望見闔閭城燈火疑始春散亂
螢火羣稠疊魚龍鱗衆星不復輝氣燄蒸赤雲輝赫能
幾時變滅紛在眼坐知霜露多肯負壺觴滿遠更忽斷
續危石久偃寒羊日逐月流羅衣信風卷欲去仍徘徊
老子興不淺長嘯懷謝公去人何必遠

贈朱竹垞

時寓居慧慶寺三年矣

失喜君猶健明燈語夜闌禪枯容客久勢熱託交難詩
已窮無敵天教老未安才賢滿江上顛願此相看

送南村北上將赴吏議

蘄門秋色接江南搖落心情只共諧異地頻逢真偶爾
比年相送復何堪空餘楚客臨寒水誰向秦纍贈左驂
前路江河正奔注沉吟短棹莫輕探

又戲贈二絕句

棹咽離聲不可聞空囊何計貯行雲女墳湖上秋風裏
無限橫波總爲君

春夢無端傍翠微秦簫吹徹鳳將飛可能烟雨樓頭問
前此何人怨晚歸

小舟曉入閩門至葑溪口號四首

閩門進船處星沒遠雞鳴舟子暗相喚遙分蕩槳聲
太陽欲上時比戶人未起一點曉光鮮先落儂船裏

泉橋猶衆橋豈有雲虹駕苦爲梁伯鸞低頭出其下
燕壘向空懸蜂窠臨水聚小門一一關不辨垂竿處

九日石湖

前日石湖氣澄澈惟照碧山與明月今日石湖勢紛綸
長篙短楫多於人我過橫塘沽斗酒欲與鳧鷖作重九
中流且去恣逍遙月來人散湖蕭蕭

月夜重過彩雲橋口占

湖山索莫夜迢迢霜信風中酒易消還是秋來可憐月
照人獨上彩雲橋

送慈發舟北返

葑溪集

七

漸老情懷劇耐秋暮寒掩抑獨臨流從今夜夜還家夢
一半分將傍汝舟

偶過滄浪亭十二韻

間闊滄浪甚閒行一暫窺簷楹晴日好荷芰晚秋衰徑
入延緣仄池懸罍約危新亭芳宴數舊物石枰疑勝豈
東南盡花將富貴移每聞阿殿至轉恐鷺鷥知憶把松
枝塵曾通藥石規風流寧足競誕傲竟何辭蜀國登牀
日樊川索笑時由來主壇坫不在倚旌麾蕪沒都官渡
蒼涼刺史祠九京呼子美相賞詎關詩

蘇州府學雜題四絕句

南園千秋任流螢誰爲王家更勒銘一種迎春與消暑
皆錢氏時人贖上道山亭學中士山名

五柳風流自得師爭教劉白敢同時木蘭堂裏分明道

千古清香屬左司韋公祠

合向官牆廁一隅廿年遺愛倍霑濡後來好事思鄰並

却是千金買得無湯公書院

短籬破屋廣文貧竹徑蔬畦野客親落日西風聞鼓角

披襟無限庾公塵

飲泮池木芙蓉畔贈學博士

微霜入紅萼臨水色更好不以地閒澹遂使意枯槁清

葑溪集

八

樽戀池上皓月窺林表秋靜夜澄明與君展懷抱

師子林贈主人張顓三士俊

高亭擅一邱怪石擁四面坐疑夏雲起顧覺秋山亂初
窺惟谿訝漸歷有登踐區分礪壑成徑紆尺咫變深洞
轉地中飛梁出簷畔前行鳥投巢後至欻緣棧峯巒入
衣袖松桂吹霜霰猶被元時苔復充目前玩我本巖穴
士繭足攀躋慣羨爾市廛居閉門恣幽竄

又絕句

才華敢擬鹿門生佳士相看合有情滿屋藏書滿庭石
如君便是二遊并

出郭

扃戶坐烟水不知秋已深偶然浮小艇出郭見霜林初
日照溪色微風吹棹音試於清絕處聊繫欲歸心

夜抵常熟宿攬秀東軒感懷

庚辰省故座主翁大司寇留止兩月秋暮

辭歸遂爲永訣壬午夏曾至不宿此軒

華燭清樽識鬢霜重來又過五重陽馬公禮樂空相付
陸氏田園已盡荒東閣郎君還下榻西州義故獨霑裳
黃花零落和寒雨憶引彭宣到後堂

虞山有吾谷谷中楓林甚盛將往觀而諸子請俟

明日余不可遂載酒遊焉夜歸輒雨迨曉彌甚爲

野溪集

九

長句簡同遊者

楓林蕭森新得霜虞山佳處雲錦張昨來挈舟隔十里
曠色爲我開糲黃晨朝故人許鄉導舉趾倏欲從風翔
臨行胡然有改計道傍築舍空廻遑郭門西去不五里
詐要卜吉仍春糧勝境到眼棄不取山靈應笑癡非狂
烟溪一棹橫谷口幽徑頓入秋茫茫萬夫羅列何崒嶮
亂霞飛墮紛披猖丹砂翠羽不可別交枝動影爭斜陽
何年高人參造化手植巨麗留山岡青女有情妙點染
慘澹恥與春頡頏我曹寄身殊恍忽絳官碧落仙人鄉
同來少長數得七潦倒誰是籍與康中林纍纍見邱墓

對此安得辭壺觴昏夜呼火照豪舉燈燭映樹收光芒
醉歸揮手興未盡後期一昔寧荒唐東軒靜臥雨驚夢
猶疑落葉投匡牀天明起坐忽自笑始願若失今難償
人生快意及旦暮莫令事過徒感傷諸君畏濕幸不出
他時秋雨無相忘

對雨憶破龍澗呈王西澗材任同年近卜居

虞山

絕澗實泓崢剌境亦幽異松風橋上下客夢時一至將
老子已營暫往我未遂最憶石上苔晶瑩點寒翠

胥江曉泛有懷南村

寒烟漠漠曙江平柔艣何心有送迎忽憶隔窗人草草

葑溪集

渡頭和月喚船聲

古意

桐枯竹不實鳳凰當奈何未免下飲啄山顛水之涯偶
耽弄玉簫來集秦人家曲罷會飛去飄飄凌紫霞衆禽
不相知謂是投網羅鳴噪遂騰沸毛羽紛矜誇遐哉阿
閣巢昔遊竟蹉此或因擊拊儀豈可矜弋加鳴嚇斥鷃
笑寄言兩俱詎天高海茫茫相遭固無多

寒夜與張漢瞻雲章食蟹

葑溪公子排寒來風味乃出太湖上蟹向城外登盤乍

池中出

晃赤玉光入手猶驚怪石狀金膏雪膾與口宜把酒持

整覺神王竹林飲戶竟參差稷下談鋒互雄長張不飲前爾雅再三讀明日懸知各無恙莫將羊酪調茂弘定有魚戩調魯望

數過前長洲令陳燮公治策僑寓園池二首

彭澤何須去桐鄉定可居高蹤三徑水長物一牀書故吏教賒酒寒畦自擷蔬慙君謬恭敬猶爲病相如相近門如對頻來鶴亦親霜池空暎月板屋小宜人僮僕形骸忘去交情放廢真江東舉杯侶誰復似陳遵

雨中與燮公同舟過萬里橋

久客閒故佳微雨出不厭舟如鳧孤躍人與萍同泛曉

葑溪集

二

溪呈宿淨霜葉送徐豔棹意入烟輕山姿向寒斂深情屬促膝狂興引掀髯雲重喜爐明風嚴知酒醺人生快朋儔流落何足念萬里起船頭蒼茫詎能纜

秋憩軒贈海寧陳副使傅岩世安

幸自成中隱於人息外求前榮虛受日小沼淨涵秋有子續書卷留賓分酒籌逍遙君已領鵬鷄任同遊

翁雲木餽酒及鳧翁名樸居洞庭東山

我聞東西山下臨三萬頃人參水仙居地與洞天併常

通縹緲夢虛對明月影欲往畏風濤今冬湖水大上披圖但引

領君過詫靈勝比自聽清省伴來致醇醪一啜得雋求

慧山光自隱南溟氣莫逞恐是林屋開瓊液漏塵境殘
燈共微酣竟夕失孤冷更見素盤中珍禽燦双頸身手
鬱未試口腹黠已幸終擬縱幽探况煩屢勤請春波帶
水消烟棹當風整期君梅花時香雪滿諸嶺

問訊傅岩臥疾

酒闌會憶共憑闌池上蕭蕭惹暮寒午可藏身耽屋煖
未容伏枕送冬殘遙憐翠袖如雲侍時放清眸似電看
陳多陳多 庶下故人空弔影待君強起勸加餐

與史生升衢金驛對酒話京師舊事

相逢不暇揖日暮且飲酒一言驚叔向越席執子手子

詩溪集

三

言昔在長安居歌筵秋夕會同娛我聞審視恍記憶當
年子尙未有鬚竹肉相宣沸華館枚馬金張坐中滿周
郎從道戀紅牙阮籍由來少青眼廣寒樂罷天未明牆
陰黃犬爲人聲風吹北海尊前客南聚江南水上萍江
南空闌銜杯穩試語存亡足悲哂猶餘鴻鶴九霄飛虛
說龍魚一網盡史生史生爲我斟昔但識面今識心信
我歷落還崎嶇丈夫那復論升沉升與沉直一映持燈
引酒照髭髯莫使重逢總成雪

代滄浪亭送別

滄浪亭子春無主亭下寒波泣爲雨北風一夜山自移

城中百萬人不知朱闌綺疏將誰託過客長吟向寥廓
可憐百本洛陽花更爲東君幾開落湖州長史驚破顏
還我舊日荒溪山溪山有靈面發赤比年但就東家食
高天慘慘連春陰雷雨一洗亭蕭森欲知去後懷恩者
精舍僧雛獨抱琴

傅岩頃疾愈以書來云已遣之故鄉致佳釀須至

同醉二十韻訊之

孟公自雄豪偶疾乃易起終依磊砢流肯效兒女子昨
日讀我詩大笑非知已身騰元龍牀筆奮仲連矢咄咄
來逼人洋洋遂盈紙相勞無幾言取醉其大指致師勇

葑溪集

三

欲賈成列時猶俟遠信要麴生越在東海涘我昔渡浙
江頗嘗飲清音聞之色飛動瞋坐算烟水連朝積霜霰
失計困泥滓豈無賢人來都未具妙理跡寄偶幃中夢
落恒甕底大聲呼芳醪須汝澆塊壘極知虎難櫻尙覺
獵可喜公明膽忽剛子反敗何恥請君越白墮更爲馳
黃耳勞逸固不齊客主各有恃雲龍許追逐虞虢羞唇
齒天下健者誰但容壁上視

贈阿童

史生小僕也余飲酒須熱惟阿童能供之不失其度故贈以詩

南人飲酒如飲水細掬甘泉潤牙齒北人飲酒如飲湯
腸熱不願生微涼南人北人互相笑並坐茫然判寒燠

我爲諧語卿無嫌北人自北南自南吳中賢豪遞開宴
愛我疎狂日相見酒行到口儼未嘗却指金樽頻索換
僕人嘔蹙燭人嗔立監佐史皆逡巡阿童阿董絕解事
爲我執爵留陽春芳醪吐雲杯炙手蛻吸鯨吞落誰後
襟懷浩洵膽輪困憶向他家未會有主人愛客僅能知
客於此後來無時劇憐北去山齋夕對酒膏騰獨爾思
題春墅晚歸圖

春風開花花滿家主人出看江頭花朝和卯酒上驕馬
嘶入春風簾笠斜江頭日日人如織主人何人不相識
昏酣不覺往來頻到處據鞍傾一石長江解渴無時醒

葑溪集

十四

快意但與花逢迎青春未肯私白日曖曖西山烟景逼
歸時翻訝日能沉委轡垂鞭爲花惜馬前呼門聲欲低
主人醉夢花猶迷

遊仙四絕句

淮南曾在八公前歸臥空山不記年逢著謫仙問雞犬
始知天上耐喧闐

不識投壺日幾回人間希見電光開遙憐玉女盈千萬
未必人人得笑來

天京十二杳沉沉聞搆新樓歲月深白玉已輸長吉賦
後來應遣賦黃金

鷹車頻過海天寒萬里魚龍鬱未安親見蓬萊水清淺
從官猶道足波關

顧霖蒼索贈

歸心如殘歲飄忽不可止旣發復停橈乃爲二三子虎
邱往來會相送每彼此住久混鄉關襄回臨水淚諸君
亦恨恨不與他時似我何以得斯坐中慨然起憶從客
名邦已閱兩星紀知交間新故投契存終始歷畹采芳
蘭揆林賞杞梓愧非晏相賢謬荷季札喜半生累疎狂
所至足嗤毀豈知在師中竟未遺一矢酒樽注江河詩
律錯宮徵初猶隔形骸近欲淡肌髓風流固易散苦樂
本相倚欲知別時情請喻聚時指長康索贈言我意正
難已便恐雜慘悽何心競恢詭把袂且須臾登臚卽千
里去去從此別人生偶然爾

虎邱留別相送諸子

北風何意阻歸舟海湧山前半日留轉覺離心劇楊柳
寒梅初發小橋頭

便與諸君各盡觴擬將酹酌敵淒涼文通多事關人別

管領銷魂只杜康

白舫青樓習醉翁湖山花月興何窮經遊一一俱無恙

贏得臨行似夢中

梅雨菰烟處處宜
前身自笑是吳兒
卽看相送人如許
不信參差隔夢思

館山詩集卷之十終

對溪集

